



# LANGABEZIA ERREGISTRATUA


## Langabeziaren igoera erritmoa apaldu zen ekainean

Koronabirusaren krisiak enpleguan duen eraginari eutsi zion ekainean, baina zertxobait arindu zuen eragin hori. Izan ere, Lanbidek emandako azken datuen arabera, hilabete horretan 144.448 langabe zeuden, aurreko hileko kopurua baino 2.500 pertsona gehiago, eta aurreko hiru hilabeteetan, hots, pandemia hasi zenean, 25.000 langabe inguru gehiago zeuden. Aurreko hilabeteetan gertatu

zen bezala, langabeziak gehiago egin zuen gora gizonen artean (%39,1) emakumeen artean baino (%22,9), eta, batez ere, 25 urtetik beherako biztanleria izan zen langabeziaren bilakaerak gehien kalte-tu zuena, %84,0 nabarmen igo baitzen aurreko urteko ekainarekin alderatuta. Atzerritarren artean ere nabarmena da langabeziaren gorakada hileko horretan (%34,7).



### LANGABEZIA ERREGISTRATUA. GUZTIRA Urte arteko aldakuntza tasa

LANGABEZIA ERREGISTRATUA. EKAINA  
**+%29,7**




### LANGABEZIA ERREGISTRATUA. EMAKUMEAK Urte arteko aldakuntza tasa

### LANGABEZIA ERREGISTRATUA. GIZONAK Urte arteko aldakuntza tasa




## LANGABEZIA . GAZTEAK

Urte arteko aldakuntza tasa



## LANGABEZIA . ATZERRITARRAK

Urte arteko aldakuntza tasa



Sektore ekonomiko guztiek langabeziaren igoeraren moteltze hori egiaztatu zuten, guztiek onura atera baitzuten jarduera ekonomikoa gero eta orokorragoa zelako. Zehatz-mehatz adierazita, zerbitzuek %32,0ko aldakuntza erlatiboa izan zuten, eta horrek 23.659 pertsonako aldakuntza absolutua ekarri zuen aurreko urtearekin alderatuta, haien hazkunde erritmoa murriztuz. Hala ere, oraindik badira langabeen kopuruak nabarmen gora egin duten jarduerak, hala nola hezkuntza

eta ostalaritza. Bestalde, industriak ere behera egin zuen bere igoera erritmoan, aurreko hilekoan jasotako %29,2tik ekaineko %33,5era, eta berriz ere urte arteko aldakuntza tasa handiena erregistratu zuen sektorea izan zen. Azkenik, eraikuntzak gainerako sektoreetatik oso urrun mantendu zuten hazkundeak (%18,6), bere jarduera gehienak ez baitziren hain baldintzatuak izan koronabirusaren egungo krisiagatik.

### LANGABEAK

	2019ko ekaina	2020ko ekaina	Aldakuntza
<b>LANGABEAK GUZTIRA</b>	<b>111.343</b>	<b>144.448</b>	<b>33.105</b>
<b>LURRALDE HISTORIKOEN ARABERA</b>			
Araba	18.633	24.343	5.710
Bizkaia	63.913	80.967	17.054
Gipuzkoa	28.797	39.138	10.341
<b>SEXU ETA ADINAREN ARABERA</b>			
Gizonak	46.834	65.135	18.301
Emakumeak	64.509	79.313	14.804
25 urtetik beherakoak	7.431	13.676	6.245
25 urte baino gehiago dutenak	103.912	130.772	26.860
<b>EKONOMIA SEKTOREAREN ARABERA</b>			
Lehen arloa	2.391	2.887	496
Industria	13.045	17.421	4.376
Eraikuntza	7.827	9.279	1.452
Zerbitzuak	73.988	97.647	23.659
Lehenago lan egin dutenak	97.251	127.234	29.983
Lehenago lan egin ez dutenak	14.092	17.214	3.122
<b>ERREGISTRATUTAKO LANGABEZIA. ATZERRITARRAK</b>			
Langabe atzerritarrak	17.530	23.608	6.078

Iturria: SEPE.



Departamento de  
Hacienda y Economía